

Directiva pa 2005 di Aruba Female Junior Chamber

ORANJESTAD (AAN): Recientemente Aruba Female Junior Chamber a instala su directiva pa aña 2005 esaki a tuma lugar na Surfside Marina den presencia di miembronan di JCI y algun ex miembro di e organización.

E miembronan di directiva pa aña 2005 ta; President Evelien Steba, Vicepresidente Tasha Tromp, Secretaria Mildred Dirks, Tesorero Sandy Maduro y Presidente Saliente Monalisa Kwidama.

Pa otro aña e directiva tin un reto grandi su dilanti. Nan lo enfoca ariba e crecemento di nan miembrecia sin exclui e cuatro areanan di oportunidad di JCI cualnan ta desaroyo personal, yuda e comunidad, atende actividadnan internacional di JCI y sera contactonan di negoshi.

E aña aki Aruba Female Junior Chamber lo celebra su di 30 aniversario. E organización di JCI ta un

organización di hende joven den e edad di 18 pa 40 aña y tin como misión pa contribui na e adelanto di e comunidad mundial proporcionando na hende joven e oportunidad pa desroya nan capacidad di liderazgo, responsabilidad social, espiritu empresarial y companjerismo necesario pa crea cambionan positivo.

Si Abo ta desea di sigui desaroya Bo mes door di atende cursonan y después pone den practica loke cu Bo a sinja no duda pa afilia na e organización di JCI. Na Aruba tin dos capitulo di JCI.

Alavez nan ta desea di recorda nan miembronan y invita esnan interesa pa atende nan promer reunion general cual lo tuma lugar diaranson 12 di januari na Casa Del Mar pa 8:00 p.m. Pa mas información tocante di Aruba Female Junior Chamber por tuma contacto cu Monalisa Kwidama na tel. # 5937789 of Evelien Steba na Tel. # 9652043.